



САНОАТ РИВОЖИ ЖИЗЗАХ ВИЛОЯТИ ТАРАҚҚИЁТИНИ ЯНГИ БОСҚИЧГА КЎТАРАДИ

Президент Шавкат Мирзиёев ҳудудларнинг ижтимоий-иқтисодий ривожига билан танишиш мақсадида 10 февраль куни Жиззах вилоятига ташриф буюрди.



Сафар дастуридаги биринчи манзил Пахтакор туманидаги "Пахтакор элита уруғчилиги" фермер хўжалиги бўлди. Хўжалик майдони 100 гектар бўлиб, шундан 80 гектариди пахта ва ғалла, қолган қисмида соя, саримсоқчиёв, беда экилган.

Давлатимиз раҳбари ўтган йили октябрда Сирдарё вилоятида бўлганида дала четларидаги ерлардан самарали фойдаланиш, фермер ва ишчиларга қулайлик яратиш учун дала уйлари қуриш зарурлигини айтган эди. Бунинг ижроси ва самараси мазкур фермер хўжалигида намойиш. Дала четида тут, узум, поллиз ва дуккакли маҳсулотлар экилган, асалари уйлари қўйилган. Енгил конструкциялардан дала уйи қурилган, унинг томида қуёш панеллари ўрнатилган.

Президентимиз ушбу уйни кириб кўрди, фермер оиласи билан суҳбатлашди.

Қишлоқ хўжалиги соҳаси мутасаддилари ва пахта-тўқимачилик кластерлари раҳбарлари билан мулоқотда ҳосилдорликни ошириш, аҳоли бандлигини таъминлаш бўйича кўрсатмалар берилди.

— Биз нимага бойлигимиз бўлган ерни кластерларга бердик? Халққа нафи тегиши учун. Энди кластерлар ислохотларга мурошиб бўлиб, давлат сиёсатини амалга ошириши керак. Қишлоқ хўжалигини саноатлаштириш, корхоналар очиб ва касаначилик орқали ўз ҳудудда ишсизликни камайтириши зарур, — деди Шавкат Мирзиёев.

Маълумки, юртимизда ишсиз фуқароларга деҳқончилик учун ерлар ажратилмоқда. Жиззах вилоятида бу орқали 13 мингдан зиёд ёшларнинг бандлигини таъминлаш мўлжалланган.

— Бир пайтлар 1 гектар ерни халққа бериш мумкин эмасди. Ҳозир 200 минг гектар ажратдик. Нима учун? Одамларга даромад манбаи бўлиши учун. Энди "қарсак икки қўлдан чиқиши" керак, — деди давлат раҳбари.

Фермерларнинг манфаатдорлигини таъминлаш, маҳаллаларнинг "ўсиш нуқталари"ни қўллаб-қувватлаш бўйича кўрсатмалар берилди.

Президент Шавкат Мирзиёев "Жиззах" эркин иқтисодий зонасидаги корхоналар фаолияти билан танишди. Олдинлари Жиззах вилояти саноат



кўрсаткичлари аҳоли жон бошига энг паст бўлган ҳудудлардан бири эди. Бугунги кунда ҳар бир туманга саноат кириб борди.

"Жиззах" эркин иқтисодий зонасида 27 та лойиҳа амалга оширилиб, 5 минг 300 га яқин иш ўрни яратилган. Охириги йилларда унинг фаолияти такомиллаштирилиб, бизнес учун қулайликлар янада кенгайтирилди. Ҳозир бу ерда кўп турдаги саноат маҳсулотлари ишлаб чиқарилмоқда. Улар қарсак икки қўлдан чиқишига қандолат корхонаси ҳам қўшилди.

Давлатимиз раҳбари унинг иш жараёнини, маҳсулотларини кўздан кечирди.

Корхонада Россия, Туркия, Германия ва Италия тажрибаси асосида

"Deua" бренди билан экспортбоп маҳсулотлар ишлаб чиқарилмоқда. Йиллик қуввати 12 минг тонна. 100 га яқин киши иш билан таъминланган. Келгуси йил иккинчи босқич учун Германия ва Туркиядан яна 5 миллион долларлик ускуналар олиб келиш режалаштирилган. Бунинг натижасида 550 нафар янги иш ўрни яратилади.

Иқтисодий зонадаги яна бир корхона — "Master Building Products" масъулияти чекланган жамиятида йилига 3 миллион донна қувур ва фитинг маҳсулотлари, қурилиш материаллари тайёрланади. 600 га яқин иш ўрни яратилган. Давлатимиз раҳбари ушбу маҳсулотлар кўргазмаси билан танишди.

"Global Optical Communication Uzbekistan" Ўзбекистон — Жанубий

Корея қўшма корхонаси ҳам кўздан кечирилди. Бу ерда йилига 85 минг километрлик оптик толали кабель маҳсулотлари ишлаб чиқарилмоқда. 115 киши меҳнат қилмоқда.

Президентимиз корхоналарда маҳаллийлаштириш даражасини ошириб, импорт ўрнини босувчи ва экспортбоп маҳсулотлар ишлаб чиқариш бўйича кўрсатмалар берди.

"Жиззах" эркин иқтисодий зонасида яна 14 лойиҳа амалга оширилмоқда. Шундан 5 таси жорий йилда ишга туширилади.

▶ Давоми 2-бетда

Ўзбекистон Республикаси Президенти Матбуот хизмати суратлари.

Ўзбекистон Республикаси Президентининг ҚАРОРИ

МЕБЕЛЬ МАҲСУЛОТЛАРИ ИШЛАБ ЧИҚАРИШ ВА ЭКСПОРТ ҚИЛИШНИ РАҒБАТЛАНТИРИШГА ОИД ҚЎШИМЧА ЧОРА-ТАДБИРЛАР ТЎҒРИСИДА

Мебель маҳсулотларини ишлаб чиқаришга ихтисослашган кичик саноат зоналарини муҳандислик-коммуникация инфратузилмаси билан таъминлаш, тайёр мебель маҳсулотлари экспортини рағбатлантиришни кучайтириш, соҳага малакали кадрларни жалб этиш мақсадида:

1. Шундай тартиб ўрнатилсинки, унга мувофиқ 2023 йил 1 февралдан 2024 йил 1 январга қадар:

тайёр мебель маҳсулотларини экспорт қилувчи тadbirkorлик субъектларига хориждаги офис, савдо ва омбор биноларини ижарага олиш харажатларининг бир қисmini Экспортни рағбатлантириш агентлиги томонидан қоплаб беришда мазкур нотулар жойлар майдондан қўйилган меъёр кўрсаткичи 100 квадрат метрдан 250 квадрат метрга оширилади;

йиллик тушумида тайёр мебель маҳсулотлари экспортдан тушум улуши камида 30 фоизни ташкил қиладиган маҳаллий корхоналар томонидан инженер-технолог, лак ва бўёқ сепиш устаси, дизайнер каби хорижий мутахассислар жалб қилинганда, улар иш ҳақининг 25 фоизи, қироқ меҳнатга ҳақ тўлашнинг энг кам миқдорининг 9 баробаридан кўп бўлмаган қисми Экспортни рағбатлантириш агентлиги маблаглари ҳисобидан қоплаб берилади.

Бунда, хорижий мутахассисларни жалб қилиш харажатлари экспорт ҳажми ҳар чоракда 1 миллион доллардан ортаган корхоналарга чорак якуни билан келгуси ойнинг 10-санасигача тақдим этилган ҳужжатлар асосида тўланади.

2. Ўзбекистон Республикаси Президентининг 2021 йил 21 июндаги "Республика ҳудудларида меҳелсозлик саноатини ривожлантиришга қаратилган

чора-тадбирлар тўғрисида"ги ПҚ-5155-сон қарорига 2-иловада назарда тутилган хомашё, эҳтиёт қисмлар, фурнитура ва аксессуарларни Ўзбекистон Республикаси ҳудудига олиб киришда божхона божининг ноль ставкалари қўлланилиши 2024 йил 1 январга қадар узайтирилсин.

3. 2023 йил 1 февралдан 2024 йил 1 январга қадар бўлган даврда 1-иловага мувофиқ мебель ишлаб чиқаришда фойдаланиладиган хомашё, эҳтиёт қисмлар, фурнитура ва аксессуарлар импортида божхона божининг ноль ставкаси қўлланилсин.

4. Сув хўжалиги вазирлигининг Фарғона вилояти, Фурқат тумани Қўқонбой маҳалласидаги сув хўжалиги биносини Мактабгача ва мактаб таълими вазирлиги тасарруфига ўтказиш тўғрисидаги таклифи маъқуллашсин.

Бунда, Фарғона вилояти ҳокимлиги Мактабгача ва мактаб таълими вазирлиги, Қурилиш ва уй-жой коммунал хўжалиги вазирлиги билан биргаликда уч ой муддатда мазкур бинони маҳаллий бюджетнинг қўшимча манбалари маблаглари ҳисобидан қайта таъмирлаш, инфратузилма, ахборот-кутубхона маркази, асбоб-анжомлар, моддий-техника ва хомашё базаси билан таъминлаш ҳамда ёғоч ўймакорлиги, меҳелсозлик, зардўзлик ва наққошлик каби миллий хунармандчилик соҳасига ихтисослашган замонавий

умумтаълим мактабини ташкил этиш юзасидан халқ депутатлари Фарғона вилояти Кенгашига таклиф киритиш чораларини кўрсин.

5. Ўзбекистон Республикаси Президентининг 2021 йил 21 июндаги "Республика ҳудудларида меҳелсозлик саноатини ривожлантиришга қаратилган чора-тадбирлар тўғрисида"ги ПҚ-5155-сон қарорига 2-иловага мувофиқ ўзгартиришлар киритилсин.

6. Инвестициялар, саноат ва савдо вазирлиги икки ой муддатда: республикада фаолият кўрсатаётган меҳелсозлик корхоналарини Мебель ва ёғочсозлик саноати уюшмаси томонидан тўлиқ қамраб олишни рағбатлантириш; маҳаллий мебель ишлаб чиқарувчи корхоналарни инвентаризациядан ўтказиш асосида уларнинг рўйхати, ишлаб чиқариладиган маҳсулот турлари, қувватлари ва бошқа кўрсаткичлари электрон базасини шакллантириш;

манфаатдор вазирлик ва идоралар билан биргаликда қонунчилик ҳужжатларига ушбу қарордан келиб чиқадиган ўзгартириш ва қўшимчалар киритиш тўғрисидаги таклифларни Вазирлар Маҳкамасига киритсин;

7. Мазкур қарорнинг ижросини самарали ташкил қилишга масъул ва шахсий жавобгар этиб инвестициялар, саноат ва савдо вазири Л.Ш. Қудратов белгилансин.

Ўзбекистон Республикаси Президенти

Ш. МИРЗИЁЕВ

Тошкент шаҳри,
2023 йил 10 февраль

ЎЗБЕКИСТОН ФУҚАРОЛАРИНИ ТИНГЛАБ

ИЖТИМОЙ ҚУВОНЧ РУҲИ



Тарих ўтмишдан сабоқ чиқариш ҳам демакдир. У хатоларни такрорламаслик учун керак. Шундай экан, бутун бизни кенг мушоҳадага чорлайдиган, ҳулоса қилишга ундайдиган бир муҳим сиёсий йўналиш ҳақида фикр юритишга жазм этмоқдамиз. Бу — ижтимоий қувонч руҳи. Хуллас, қуйида унга қандай эришганимиз ҳақида сўз юритамиз.

▶ Давоми 3-бетда

ЭКОЛОГИЯ

"ТОШКЕНТ ЯШИЛ БЕЛБОҒИ"

ДАРАХТ ЭКИЛГАН МАЙДОНЛАРНИ 10 ФОИЗ ОШИРСАК, ЭНЕРГИЯ САРФИ 10 ФОИЗ КАМАЯДИ

Глобал иқлим ўзгариши, аномал совуқ, жазирама иссиқ табиатни асраб-авайлаш домий қондага айланиши зарурлигини кўрсатмоқда. Чанг бўронлари, нураш жараёнлари, органик моддалар чириши — атмосферани ифлослантирувчи табиий манба. Саноат ва иссиқлик энергетикаси корхоналари, маиший чиқинди, транспорт, уй иситиш тизимлари эса экологик зарар келтирувчи антропоген омилдир. Иккинчи манба зарарни камайтириш, соҳада мониторинг ташкил қилиб, ҳаво сифатини баҳолаш, самарали чоралар кўришни талаб қилади.

▶ Давоми 2-бетда

